

ნახ. მ. აბაშიძისა

## უნივერსალი



— სად მიძვრები, კაცო?  
— გავიგე, ამ მაღაზიაში დახლის ქვეუბიდან ვაპრობენო...



**ცნობილ** ქართველ მხატვარს — ნოდარ ვლადიმერის ძე მალაზონიას — დაბადების 50 წლისთავი და შემოქმედებითი მოღვაწეობის 30 წელი შეუსრულდა.

1948 წლიდან იგი თანამშრომლობს ჟურნალ „ნიანგში“, ხოლო 1957 წლიდან მისი მთავარი მხატვარი და სარედაქციო კოლეგიის წევრია.

1963 წელს მიენიჭა საქართველოს სსრ დამსახურებული მხატვრის საპატიო წოდება. არის სსრ კავშირის მხატვართა და ჟურნალისტთა კავშირის წევრი.

ნოდარ მალაზონია ნიჭიერი პლა-

კატისტი, კარიკატურისტი, წიგნისა და დაზგური გრაფიკის ოსტატია, ნაყოფიერად მუშაობს მცირე ფორმის არქიტექტურული ანსამბლების გაფორმებაზე.

ყველაზე დიდი გამარჯვება ნოდარ მალაზონიამ მოიპოვა შარშან, სიცილის ქალაქ კატანიაში, სადაც გაიმართა ტურისტული სარეკლამო პლაკატების XII საერთაშორისო გამოფენა. მასში 28 ქვეყანა და 13 ავიაკომპანია მონაწილეობდა.

ნოდარ მალაზონიას დიდი ოსტატობით შესრულებულმა ხუთივე პლაკატმა დაიმსახურა გამოფენის ორივე

უმადლესი პრიზი — **ქვეყნის ნაწილი**. რომელსაც სპეციალისტების საყენებო ჟიური საუკეთესო ქმნილებებს ანიჭებს, და „იტალიის პრეზიდენტის ვერცხლის მედალი“, რომელიც დამთვალეირებულთა ხმის უმრავლესობით მიეკუთვნება საუკეთესო ექსპონატებს.

ნიანგის რედაქცია, თავის ავტორთა და მრავალრიცხოვან მკითხველთა სახელით, მხურვალედ ულოცავს საყვარელ მხატვარსა და მეგობარს — ძვირფას ნოდარს — საიუბილეო თარიღს, უსურვებს ხანგრძლივ სიცოცხლეს, ბედნიერებასა და ახალ-ახალ შემოქმედებით წარმატებებს.

## სალაგოგო სტრიქონები — ნოდარ მალაზონიას

შენი ზეიმი, ძამია, მეც მიხარია ძალიან და წაიკითხე ეს ლექსი ბოლომდე, — თუკი გცალია!

მამაშენს ჩვენში ნაღდ მხატვრად იცნობენ დიდი ხანია! მტკიცედ გაპყევით მამის კვალს შენც და შენი ძმა მამიაც!

გაბადრული ხარ ლამაზი შვილიშვილით და ცოლ-შვილით! სულ სადღაც რეკავ!.. გარბიხარ. წუთით ვერ გნახე მოცლილი!

მომხიბვლელ პიროვნებას და ხალას, მრავალმხრივ ხელოვანს საქვეყნოდ გალიარებენ! — ნამდვილად სასახელოა!

რომ ნახეს შენნი პლაკატნი, — გამხარებულნი გულისა, მთელი მსოფლიო დაიძრა საქართველოსკენ ტურისტად!

მაქვს კარგი წინადადება, — უარყონ, არა მგონია, — კუნძ. სიცილიას დღეიდან დაერქვას „მალაზონია“!



როდესაც ენამახვილობ, ხუმრობ ლაღი და გულწრფელი, ორივე ხელით გვიჭირავს სიცილისაგან მუცლები!


შენს ფოტოსურათს, ნახატებს გულში იხუტებს ვურია! შეხვედრას ვიწყობს, — პირველი ნაბიჯი გადადგმული აქვს!

ხარ მხურვალე პატრიოტი — სულდიდი და სულნათელი! გაგვახარე საქართველოს სადიდებელ სურათებით!

გაგიმარჯოს! გამარჯვების გზით იარე! ხატე! წერე!.. საყვარელი მხატვარი ხარ! სიყვარულით გადღეგრძელებ!

ზაურ ბოლქვაძე





— თქვენ ვეუბნებოდით, არა, მასწ. ფეხვის ამოღება არ იცით?

### დუბლიორი

აბა, რა სათაკილო დუბლიორობა?! სათადარიგო პარტი-  
ნიორი კოსმონავტსაც კი ჰყავს! მერე იმ დუბლიორს, როცა თვითონ  
მოუწევს გაფრენა, სხვა ჰყავს ორეული, ასევე ასაფრენად გამზად-  
ებული. რაღა შორს, კოსმოსში, მივდივართ, ავერ, ჩვენი თბილისის  
„დინამოს“ დუბლიორებს რამე დაეწუნებათ?!

მე რომ თვალი დავადგი, სხვა დუბლიორია, სხვა მადლი აქვს  
ამ დუბლიორს, უფრო სწორად, სხვა მარილი.

ეს ის კაცია, ის უჩინარი მუშაკია, რომელიც შენს მაგიერ ეძებს,  
შენს მაგიერ პოულობს, შენს მაგიერ... ბოდიში, აქ წერტილი უნდა  
დავსვა. იმას ვამბობდი, იქ ვიყავი, როცა დუბლიორი პოუ-  
ლობდა რაღაცას. ეს რაღაცა, რა თქმა უნდა, ამერიკა არ არის,  
მაგრამ არის აზრის პაწაწინა კუნძულები, რომელთა წყლიდან ამო-  
ყვანაც შეიძლება და გაშრობა-გამომწურებაც. შეიძლება, მაგრამ,  
ხურას უკაცრავად: დაუკრეფავში დუბლიორს არავინ გადაუშვებს!

პოვნის შემდეგ, როგორც წესი, დუბლიორი იხსნება. სამუშაო-  
დან კი არა, უკვე შესრულებული დავალებიდან იხსნება. იგი ახალი,  
შეუსრულებელი დავალების საიერიშოდ გადადის, გადადის და...  
ისევ შენს მაგიერ ეძებს, შენს მაგიერ პოულობს...

დუბლიორი ჩუმად არის. ვერც იხმაურებს. სახმაურო, სალაპა-  
რაკო, სადიდგულო და საყუყულო შენ მოგცა! გაიქურდა და ვი-  
თომც არაფერი, გიყურებს ახლა, როგორ ჩამოჰკაკლაგ მის აზრს,  
მისეული სიტყვებით როგორ მოიქნევ ფრთასა თუ ენას.

დუბლიორი ჩუმად არის. შენ ხმაურბ იმდენს, უხერხულია, ხმა  
რომ ამოიღოს! შენს ხმაურს რაღა წამატება უნდა?!

წარმოიდგინე, შენ რომ დავსვან დუბლიორის ადგილზე და  
იგივე მოგთხოვონ, რასაც შენ ითხოვ მისგან! წარმოიდგინე?! აბა,  
ახლა ისიც წარმოიდგინე, რა შეგიძლია შენ?!

წამატებაზე აღარას ვამბობ, სამი სხვადასხვა აზრიდან ერთს,  
უკეთესს, აარჩევ?!

თუ არ გიკარნახეს, ვერ აარჩევ!

გამართულად დაწერ?!

წერაზე მწყრალადა ხარ!

შენით, დამოუკიდებლად, დასძებნი და მიაკვლევ რამეს?!

მიკვლევას, ცოდნის გარდა, ალღოც უნდა, შენ კი არც ერთი გაქვს  
და არც მეორე!

მოკლედ, ერთი კი არა, მრავალი მიზეზის გამო შენ შენივე რი-  
გითი ხელქვეითის სამუშაოს ვერ შეასრულებ!

ანგარიშგასაწევი მიზეზი კია, დემერტმანი! იმდენად ანგარიშ-  
გასაწევი, რომ ახლავ, უმტიკივულოდ, შეგიძლია შენი ადგილი  
დუბლიორს დაუთმო!

მერწმუნე, ამით ქვეყანა არ დაიქცევა! აშენებით კი, შეიძლება,  
მართლა აშენდეს!..

როცა ბიჭვინთაში ჟურნალისტების პანსიონატსა და კინო-  
ტოგრაფის ბარში ხალხი აბუბუნდა, ჟურნალისტთა კავშირის  
ერთ-ერთმა მდივანმა ბრძანა:

— ამხანაგებო, დღევანდელ პრესკონფერენციაზე მონაწილ-  
ეობას მიიღებენ სხვადასხვა სფეროში მომუშავე უფროსები,  
რადგანაც ამ პრესკონფერენციაზე პირველი მშენებლობის უფ-  
როსი გამოცხადდა, სიტყვასაც მას ვაძლევთ.

მშენებლობის უფროსი: ამხანაგებო, სოფლად და ქალაქად  
რაც კი მშენებლობები მიმდინარეობს ყველაფერი ჩვენი, მშე-  
ნებლების მარჯვენით სრულდება. თქვენ როგორც ჟურნალის-  
ტებს მაინცდამაინც გაინტერესებთ როგორ ვაშენებთ?

რეპლიკა: ეგ თქვენ უფრო კარგად იცით!

მშენებლობის უფროსი: დიახ, ვაშენებთ, მაგრამ გვაქვს ხარ-  
ვეზები, დარღვევები, უხარისხობა, მაგრამ თქვენ ამაზე ჩასაუ-  
რებულები კი არ უნდა იყოთ, ჩვენ უნდა დავგვეხმაროთ, მათში  
უნდა აღმოაჩინოთ მოწინავე „პრარაბები“... რა მოხდა, თუ რო-  
მელიმე „პრარაბს“ ცემენტი შემოეხარჯა?! ეს განა ჩვენ არ ვიც-  
ით. მაგრამ რა ხერხებს მივმართოთ, გვითხარით! შეისმინეთ,  
რომ უბრალო შენიშვნებზეც კი ხელიდან გვეცლება... და, ახ-  
ლა ცემენტის მოპარვაც რომ გავამჟღავნოთ, გესმით, რა მოხ-  
დება?!

ჟურნალისტი ხულოდან: შესაშურია ამ კაცის საქმიანობა,  
გენიალობამდე არის ასული!

სანამ ჟურნალისტები დუმილით აჯილდოებდნენ მშენებლო-  
ბის უფროსს, სიტყვა განათლების გამგემ აიღო:

— ამხანაგებო, განათლება დიდი ფრონტია, ასობით პედაგო-  
გი იბრძვის მოსწავლეთა ცოდნის სარბიელზე, თუმცა ზოგიერ-  
თი რეპეტიტორი ამ ფრონტის ზურგში ეწევა ძირგამომთხრელ  
მოღვაწეობას, ზოგი კი საცოდავ ძღვენსაც კი ითხოვს, რაც  
მოსწავლეთა შორის იწვევს დანაშაულობათა ზრდას... კარგია  
პირუთვნელობა, მაგრამ სულ ამ საკითხზე ხომ არ ვილაპარა-  
კებთ. ნაკლებ წერა ყველას შეუძლია, აბა, ერთხელ მხარში ამო-  
გვიდევით, დავგისახეთ გზები, რანაირად და როგორ ვებრძო-  
ლოთ ამ მავნე გადმონაშთებს, აბა, იფიქრეთ!

ვიდრე ჟურნალისტები „საპატიო“ დავალებებზე ფიქრობ-  
დნენ, სიტყვა აიღო ვაჭრობის გამგებელმა.

ვაჭრობის გამგებელი: ამხანაგებო, ვაჭრობა უძველესი დარ-  
გია, მას ისეთივე გაფრთხილება სჭირდება, როგორც ისტორი-  
ულ ძეგლებს საქართველოში, ჟურნალისტები კი მხოლოდ კრი-  
ტიკით უყურებთ ამ უძველეს დარგს... რა გახდა, სულ რომ პირ-  
ზე გაკერიათ: გამყიდველმა ხურდა დააკლო, იმპორტული საქო-  
ნელი გადამალა და სხვა. ჩვენ ვიცით ამგვარი ვარეწრების  
ონებები და ყველა რომ ვებრძოლოთ მოხსნით და პრეტენზიუ-  
ლი შემოწმებით. ახალბედები ვაჭრობაში აღარ მოვლენ. აბა,  
ერთი გამყიდველი მაინც წაახალისეთ. მასზე დაწერეთ თბილი,  
გულისხმიერი წერილი. ამით დანარჩენები დაფიქრდებიან, გა-  
ხალისდებიან: რა კარგი ყოფილა ქება-დიდებაო და პატიოსნად  
დაიწყებენ ვაჭრობას!

როს დაილაღნენ ჟურნალისტები დავალებებით და შეკით-  
ხვის თავი არავის აღარ ჰქონდა, წესრიგის დამამყარებელმა  
სიტყვა გაიგზინა:

წესრიგის დამამყარებელი: მანამ პრესკონფერენცია დაიწყე-  
ბოდა, მრავალმა ჟურნალისტმა მკითხა: რა მეთოდებით ებრძვით  
ავტომანქანების გამტაცებლებსო? მე გეტყვით რომ ახლა ჩვენ  
ხელთ გვაქვს შესანიშნავი მეთოდი, როდესაც მავანის ავტომან-  
ქანაში დაუკითხავად ჩაჯდება ავტოგამტაცებელი, მის საწეზე  
მიესხურება წითელი ფერის სითხე, რის შემდეგ ავტოგამტაცე-  
ბელი ადვილი ამოსაცნობი და დასაკავებელი ხდება. ამხანა-  
გებო, იმისათვის, რომ არ მოხდეს დანაშაული, ჟურნალისტები  
თავისი კალმით უნდა გვეხმარებოდნენ, უნდა სახავდნენ დანა-  
შაულთა ბრძოლის ახალ მეთოდებს! აბა, ის კი არაა საქმე, რომ  
პოსტფაქტუმ წეროთ: სად იყვნენ წესრიგის დამცველნი, როცა  
ამისი და იმისი მანქანა გაიტაცესო. ამხანაგო ჟურნალისტებო,  
ჩვენ თქვენი დახმარება გვჭირდება, ნუ მიეცემით წერით კმა-  
ყოფილებას!

პრესკონფერენციის წამყვანმა სიტყვა არავის არ აცალა და  
ჟურნალისტებს მოუწოდა:

— ამხანაგებო, თქვენი სახელით ჩვენს სტუმრებს დიდ მად-  
ლობას ვუხდით ასეთი საქმიანი შეხვედრის გამო!

ვილაცა ჟურნალისტმა ყოველ შემთხვევისათვის იკითხა:

— ამხანაგებო, რა არის პრესკონფერენცია?!






უსიტყვოდ



უსიტყვოდ



უსიტყვოდ



რაციონალიზატორული წინადადება

ღარიკი პირი პირი...

ირიპირაშა თუ არა, ჩემი მეუღლე რძეზე და დილის პროდუქტებზე გავარდა. ერთი სიტყვით, მე და პაწკო რომ ავდექით, მაგიდაზე საუზმე მზად იყო. (მე დილით საუზმის მომზადებას ვერ ვასწრებ, ეს საქმე ჩემს ქმარს ავალის!). დაახლოებით 8 საათსა და 30 წუთზე მამა და შვილი სკოლაში გავისტუმრე. (ბავშვს სკოლაში დატოვებს, თვითონ სამსახურში წავა. მე დროში ვერ ვეტყვი!). სამსახურში წასვლამდე ანჟიკასთან შევიარე, ჩემი მეზობელია და დილაობით კარები მახესავით ღია აქვს. შვილი და აარჩიე, სულო და გულო, რაც გინდა! ამჯერად „კოსმეტიკა“ გადავიწყვე ჩემთვის. ბავშვისა და ქმრისათვის რამერუმეების ნახვას ვერ ვასწრებ, დრო არ მყოფნის და სალონში გავრბივარ. სალონიდან — სამსახურში!

— ალო! — ვურეკავ ჩემს მეუღლეს და რადგან მე დრო არა მაქვს, ტელეფონში პეტიციას ვუკითხავ: მწვანელი, ხორცი, ყველი, კვერცი, ცოცხი!..

— ალო! — ვურეკავ ჩემს მეგობარს და ვეხვეწები, ყავაზე მარჩიელთან როგორმე პირველი მომხანვედროს, აბა, სადა მაქვს იმის დრო, რიგში ჩავდებე?!

— ალო! — ვურეკავ ჩემი პაწკოს დამრიგებელს და ვაფრთხილებ, ზედმეტი კითხვებით ბავშვს ნერვები არ აუშალოს. გაკვეთილზე პაერის გაწმენდის მიზნით ფანჯრები არ გააღოს და ბავშვი არ გამიცვიოს!

— ალო! — მირეკავს მეგობარი და დაწყებულ საუბარს მკერავთან ვაგრძელებთ. აბა, სადაა იმდენი დრო, სულ ტელეფონით ვილაპარაკოთ?!

— ალო! ალო! ალო!.. უკვე ხუთი საათია. ბაზრიდან სანოვაგით დატვირთული მეუღლე, პაწკოსთან ერთად, სამსახურში მაკითხავს და სახლში მივყავარ. (ეს მანქანა რომ არა, ტრანსპორტი უსარმაზარ დროს წამართმევდა!) გზაში მეუღლეს ვასწავლი, თურა სანელებლებით უნდა შეაზავოს დღევანდელი სადილი, ანდა რამდენი კვერცი უნდა ტაფამწვარს. აბა, სადაა იმდენი დრო, სადილებიც მე ვაკეთო?!

ბოლოს, არაქათგამოცლილი ვჯდები ტელევიზორის წინ და იმის დროც არა მაქვს, მეუღლეს რომ კეთილად გავუღიმიო ათასში ერთხელ ხელის წაშველებსთვის. ხვალინდელ დღეზე ფიქრით დამძიმებულ თავს ბალიშზე ვდებ და მარტო ძილის დროლა მრჩება.

ნანა ჯაჯანაშვილი

მიბაძეთ ასეთ „მშენებლებს“

სამზადს და სააბაზანოს როცა ბოლომდე დაშლიან, ორ-სამ თვეს აზრზე ვერ მოხვალ, საერთოდ, საქმე რაშია!

არ გაგიმხელენ არაფრით გულს ნადებ დარდს და ხვაშიადს, სანამდე ყურს არ მოჰკრავენ დასტა ფულების ნაზ შრიალს.

კაცი არ გკითხავს, რომც მოკვდე, ან თუ გწყურია, ან გშია, ან აბაზანა, ან გაზი რად გაგიგდია კარშია,

ან მტვერი ხომ არ გაწუხებს, ან — დანგრეული კედლები, წისქვილში ნამყოფ კაცივით, დილ-დილით, რატომ თეთრდება!..

ბოლოს, მოვლენ და, იცოცხლე. სალამს მოგცემენ გულითადს, ერთ-ერთი წაგიჩურჩულებს: „პრარაბი ყიდის უნიტაზს!“

ჩამოგიქროლებს მეორე — კაცი ლალი და ნათელი — და ისიც წაგილილინებს, ვის აქვს ჩეხური კაფელი!

ვინ გლდანში წასვლას გასწავლის, ვინ — დილომს და ვინ — ვარკეთილს, გეტყვის, სად უნდა იყიდო გაჯი, ცემენტი, პარკეტი!..

ზრუნვას არ ვაკლებთ „მშენებლებს“, სულ მუდამ თავზე ვეველებით, წყალს როცა ვერსად ვმოულობთ, ცემენტს ვზელთ ცხარე ცრემლებით!..


მთელი დღე დავსდევთ ქორვაჭარ — გადაწყვიდელებს ქალაქში: ხან მეტლახს ვეძებთ, ხან — კოჭყურს, ხანაც პარკეტის შალაშინს!

შენს სახსრებს, შესაძლებლობებს, გულზე არ გაიკარებენ! რას ერჩი, საქმეს რუადლიანს რვა თვეში დაგიმთავრებენ!

ჩავიტარებენ კაპრემონტს ერთი ვაი და ვიშითა! („არ გათეთრდების ყორანი, რაც უნდა ხეხო ქვიშითა!“)


სხვისი ტარით და მასალით ჰქმნიან „ხელთუქმნელ მშენებლებს“... რას მოიფიქრებთ უკეთესს? — მიბაძეთ ასეთ „მშენებლებს!“

რეაზ ოსეაიშვილი



ნახ. 6. პრამისა

უსიტყვოდ



— ნატა, თამარ დედოფალს თუ კომნდა ამხელა ქორწილი?  
— საიდან ამხეგოდა, მამამისი უბრალო მეფე იყო, კომბინატორი კი არა!

**სუბრობა. თუ თაყვანობა?**

**იციინიან და იცრეობლიანიან კიდეც...**

სიღნაღის ავტობუსი დილის 8 საათზე გადის, მე ცენტრალურ ავტოსადგურში (ორთაქალაქი) ვეირას, 3 იენისს, 7 საათზე მივედი. მეოთხე სალაროს მივავითხე, მოლარემ მომყიდა ბილეთი ბალახანში მიმავალ ავტობუსზე (№ 80-52) და თან დასძინა, სწრაფად მიბრძანდით, რვის თხუთმეტ წუთზე გადისო.

— სიღნაღს გაივლის? — ვკითხე მე.  
— როგორ არა, ბატონო! — მიპასუხა თვაზიანად.

დავუჭერე, ავიღე ბილეთი, მაგრამ, ცოტა არ იყოს, მეძვირა, სიღნაღამდე ხომ გაცილებით ნაკლები ღირს, მე კი 2 მანეთი და 50 კაპიკი გადავიხადე.

— რა ღირს, ქალბატონო, ბილეთი სიღნაღამდე? — კვლავ ვკითხე მორიდებით.

— ბილეთს ზედ აწერია, ბატონო! — მიპასუხე მევირცხლად.

ბედს დავმორჩილდი და გავემგზავრე...

უცებ ავტობუსმა წნორისაკენ აიღო გეზი.  
— სად მიდიხარ, სიღნაღის გზა დაგაეციყდა? — ვიყვირე მე.

— რის სიღნაღი, რა სიღნაღი, შეცდომით სხვა ავტობუსში ჩამჯდარხარ! — მითხრა მძღოლმა და ბილეთი შეამოწმა.

— ბილეთი ამ ავტობუსზეა აღებული, მაგრამ სიღნაღამდე კი არა, ლავოდეხამდე. ანაგაში ჩაბრძანდებით და სიღნაღში სხვა ავტობუსით წახვალთ! — მიჩჩია ბოლოს.

მე რომ სიღნაღი ლავოდეხში არ ამრევია, ძალიან კარგად ვიცი, რადგან ვანო სარაჩიშვილის 100 წლისთავისადმი მიძღვნილ ზეიმზე მივედიო. მამ, საინტერესოა, მოლარემ იხუმრა, თუ ითავებდა?

ლევან ფრუიძე,

საქ. სსრ შეცნირებათა აკადემიის პრეზიდიუმთან არსებული სოციალურ და კულტურულ ტრადიციათა პრობლემების სამეცნიერო-საკოორდინაციო ცენტრის სწავლული მდივანი.

საბავშვო ბავშვთა წარმოდგენს სახელმწიფო-სააღმზრდელო დაწესებულებას, რომელიც ხორციელდება ბავშვთა საზოგადოებრივი აღზრდა. აქ გარკვეულ ასაკობრივ პერიოდში მიმდინარეობს ბავშვის აღქმის, მეტყველებისა და აზროვნების განვითარება. ამის თაობაზე მრავალი წიგნი, სახელმძღვანელო და პროგრამა დასტამბული, მაგრამ პრაქტიკა, ცხოვრების ყოველდღიურობა, ჭეშმარიტება და ბავშვის პატარა გულში ჩახედვა სულ სხვას მიგვანიშნებს ხოლომე, სულ სხვას გვაფიქრებინებს და ჩავგაფიქრებს კიდეც.

— დედიკო, მეტს აღარ ვიზამ, ყველაფერს დაგიჯერებ, ოღონდ დღეს საბავშვო ბაღში ნუ წამიყვან, — ტირილით ევედრებოდა დედას ცეროდენა. კოპებშეკრულმა მამამ საჩვენებელი თითი დაუქნია, დედამ პაწაწა მკლავში ოქროსბეჭდებიანი თითები წაუჭირა, თბილად შეფუთილს საყელო აუწია, თავზე ქუდი ჩამოაფხატა და ავტომანქანიდან გადმოიყვანა. იზოლირებულ ბინიდან — იზოლირებულ, გარემოს მოწყვეტილ ბავშვებით სავსე, უჭაურო საბავშვო ბაღში უკრა თავი, ხელები პილატესავით გადაიბანა და სამსახურისაკენ გასწია.

— დედიკო, რა დაგიშავე, რატომ გამწირე ასე, ნუთუ არ გეცოდები, — განაგრძობდა ბავშვი ფიქრს და საბავშვო ბაღის რეჟიმსა და ცხოვრებას ეგუებოდა.

— ბავშვებო! ვისაც გაჯის სუნი გიყვართ და სახლში ხშირად გაქვთ რემონტი, აქეთ ოთახში გამოდით, — აცხადებს მასწავლებელი.

— სათამაშოები მანდ ალაგია, ვისაც თამაში გიყვართ, ითამაშეთ, გარეთ გასვლა და ფანჯარაში გახედვა აკრძალულია. — აცხადებს მასწავლებელი.

— ჩვენმა მშენებლებმა თქვენი საბავ-

შვო ბავი ისე ააშენეს, რომ ეზო და ჰაერი, ღია აივანი და საცურაო აუზი არ გაუთვალისწინებიათ. ამას გარკვეული მოსაზრებაც ჰქონდა. ხომ შეიძლება ბავშვი აუზში დაიხრჩოს ან ეზოში დაიკარგოს, მერე რა ვქნათ, რა წყალში ჩავვარდეთ? თქვენს მშობლებს რა პასუხი გავცეთ? ამიტომაც, ასე იჯექით, არ გაინძრეთ, სანამ დედიკო ან მამიკო არ მოვა, გასაგებია?! — აცხადებს უფროსი მასწავლებელი.

ამ დროს მასწავლებლის მაგიდაზე დადებული წიგნის მეხუთე გვერდზე ამოვიკითხეთ: „...ერთერთი მნიშვნელოვანი ამოცანაა ბავშვის გრძნობათა ორგანოების მოქმედების ორგანიზება (დახვეწა-სრულყოფა) და მათი აქტიური მართვის უნარის (სენსორული კულტურის) აღზრდა, საგნის თვისებების მრავალმხრივი ჭვრეტისა და თვალსაზრისის (ფერის, ფორმის, რიცხვის, სივრცითი ნიშნების, სივრცითი მიმართულებათა შემჩნევის) გამომუშავება, ლოგიკური აზროვნების (ანალიზის, სინთეზის, აბსტრაქციის, განზოგადების) საწყის ჩვენათა გამომუშავება იმგვარად, რომ ბავშვმა შეძლოს საჭირო შემთხვევაში თვითონ ამოქმედოს იგი“.

ჰოდა, ცუდი საბავშვო ბაღის კარგი აღსაზრდელო თვითონ ამოქმედდა და ერთი წლის შემდეგ გამოსავალიც იპოვა:

— მამიკო! — აღარ ტირილდა ბავშვი. — მე მოფითხოვ გადამიყვანოთ იმ საბავშვო ბაღში, სადაც ჩვენი მეზობელი გია დადის. იქ, თურმე, ყველაფერი ისეა, როგორც აი, იმ წიგნში წერია, ფაცია მასწავლებელს რომ უღევს მაგიდაზე.

— დედიკო! იქ თურმე ბავშვები იციინიან!

ჟანი სინარულიძე

79-447

ნახ. გ. ლომიძისა

იაპონიის ქალაქებში — ხიროსიმაში და ნაგასაკში რადიაციის დონე ახლაც მაღალია. ქალაქები ამერიკის შეერთებულმა შტატებმა დაბომბა 34 წლის წინ, ამ ბარბაროსობამ იმსხვერპლა 275 ათასზე მეტი იაპონელი. დღემდე ნაგასაკის ათასობით მცხოვრები, მათი შვილები იტანჯებიან ატომური ბომბის შედეგებისაგან.



**A** მ ე რ ი კ უ ლ ი **A** ჩ რ დ ი ლ ი

მთავარი რედაქტორი **ზურაბ გემაჯავილი** სახელმწიფო კოლეგია: **ზ. ბოლქვაძე** (მთ. რედ. მოადგილე) **ზ. კაციაშვილი**, **ჯ. ლოლუა**, **გ. ლომიძე**, **ნ. მალაზონია** (მხატვ. რედ.), **გ. ნიუნიაშვილი**, **გ. სიხარულიძე** (პ/მგ. მდივანი), **გ. შირცხალავა**, **ო. ზედიძე**  
● ტექნიკური რედაქტორი **მ. კუხალაშვილი**, ● საბირისა და იურორის შუახალი „ნიანგი“. ● თბილისი, რუსთაველის პროსპექტი № 42, საქართველოს კვ-ის გამომცემლობა, გადაეცა ასაწყობად 22/VI 79 წ. ხელმოწერილია დასაბეჭდად 21/VI-79 წ. ქაღალდის ზომა 70x1081/8 ფიზიკური ნაბეჭდი ფურცელი 2. სააღრიცხვო-საგამომცემლო თაზახი 1.7 ● საქართველოს კვ-ის გამომცემლობის სტამბა, თბილისი, ლენინის ქ. 14. ● შეკვ. 1538 უმ 00743 ტირ. 144.000 ტბილისი, პრ. რუსთაველი № 42, Сатирико-юмористический журнал «Ниянги», ● Издательство ЦК КП Грузии. ● Типография Издательства ЦК КП Грузии, Тბილისი, ул. Ленина № 14.  
ტელეფონები: 99-76-69, 93-19-42, 93-10-78, 93-49-32. რედაქციაში შემოსული მისაღები ავტორებს არ უბრუნდებათ.

ნახატი თემების ავტორები: **მ. აბაშიძე**, **მ. ასლაძე**, **ზ. ბერიძე**, **გ. დედაძე**, **ა. ერეკლე**, **დ. თოთიძე**, **ნ. იოსელიანი**, **გ. კუციანი**, **ჩ. ლომიძე**, **ნ. მალაზონია**, **ი. ქვიციანი**, **შ. ზვინაძე**.



76137